



Broj: 05-036-60/17
Sarajevo, 17.03.2017. godine

Na osnovu člana 70. stav (1) i stav (3) Zakona o javnim nabavkama Bosne i Hercegovine („Sl. glasnik BiH“ br.39/14), člana 70. Zakona o organizaciji organa uprave u F BiH („Sl. novine F BiH“ br. 35/05), nakon provedenog Otvorenog postupka, Direktor Zavoda za izgradnju Kantona Sarajevo, a na osnovu Izvještaja i Preporuke Komisije za javnu nabavku br.03-033-173/17 od 16.03.2017. godine **donosi**

ODLUKU o dodjeli ugovora

1. Ponuda ponuđača „MGBH“ d.o.o. Sarajevo se **odbacuje** u skladu sa članom 68. stav (1) i stav (4) tačka f) i tačka i) Zakona o javnim nabavkama BiH („Službeni Glasnik BiH br. 39/14);
2. **Dodjeljuje se** ponuđaču „ORMAN“ d.o.o. Kiseljak ugovor za „**Izvođenje radova na sanaciji klizišta lokalitet Poturovići br.27, Općina Vogošća**“, u vrijednosti **21.785,07 KM** sa uključenim PDV-om, obzirom da je u Otvorenom postupku javne nabavke podnio najnižu cijenu tehnički zadovoljavajuće ponude u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br.39/14).
3. Ova odluka objavit će se na web-stranici <http://zik.ks.gov.ba> Zavoda za izgradnju Kantona Sarajevo istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Obrazloženje

Na osnovu Odluke o pokretanju postupka javnog nadmetanja broj: 05-036-32/17 od 06.02.2017.godine Zavod za izgradnju Kantona Sarajevo je pokrenuo Otvoreni postupak, pripremio tendersku dokumentaciju i objavio Obavještenje o nabavci broj: 285-1-3-7-3-8/17 na portalu javnih nabavki, te obavještenje u „Sl. glasniku BiH“ br. 9/17 od 10.02.2017. godine, za „**Izvođenje radova na sanaciji klizišta na lokalitetu Poturovići br. 27, Općina Vogošća**“.

Na osnovu objavljenog Obavještenja putem Otvorenog postupka, tendersku dokumentaciju preuzeli su: „MIBRAL“ d.o.o. Sarajevo, „GRAKOP“ d.o.o. Kiseljak, „SELA“ d.o.o. Sarajevo, „TERMOBETON“ d.o.o. Breza, „MGBH“ d.o.o. Sarajevo, „HARYSCO“ d.o.o. Sarajevo, „ORMAN“ d.o.o. Kiseljak, „GRMIG“ d.o.o. Dobojski Istok.

Iz Izvještaja Komisije je vidljivo da se Komisija sastala dana se sastala dana 28.02.2017.godine, radi preuzimanja i otvaranja ponuda za „**Izvođenje radova na sanaciji klizišta na lokalitetu Poturovići br. 27, Općina Vogošća**“, koju su podnijeli ponuđači: „GRAKOP“ d.o.o. Kiseljak, „SELA“ d.o.o. Sarajevo, „MGBH“ d.o.o. Sarajevo, „HARYSCO“ d.o.o. Sarajevo i „ORMAN“ d.o.o. Kiseljak.

Komisija je otvorila primljene ponude i iz Obrascu za ponudu pročitala ponudenu cijenu ponude, dok su rokovi izvođenja radova, uslovi i način plaćanja bili zadati tenderskom dokumentacijom „**Izvođenje radova na sanaciji klizišta na lokalitetu Poturovići br. 27, Općina Vogošća**“, ostale dokumente na otvaranju ponuda Komisija nije pregledala.





Na otvaranju ponuda su bili prisutni ovlaštteni predstavnici ponuđača: „ORMAN“ d.o.o. Kiseljak i „HARYSCO“ d.o.o. Sarajevo, te predstavnici Općine Vogošća.

Otvaranju ponuda prisustvovali su i predstavnici Općine Vogošća gosp. Adnan Mališević i gosp. Nermin Hajro.

Prisutni predstavnici ponuđača nisu imali primjedbi na postupak otvaranja ponuda.

Komisija se ponovo sastala dana 09.03.2017.godine radi pregleda priloga iz dostavljenih ponuda, odnosno da bi utvrdila da li su ponuđači ispunili uslove iz člana 45. do 51. Zakona o javnim nabavkama BiH („Službeni glasnik BiH“ br. 39/14), kao i utvrdila da li su ponuđači dostavili tehnički zadovoljavajuće ponude u skladu sa zahtjevima iz tenderske dokumentacije i da li su kvalifikovani za vršenje predmetnih radova.

Komisija je konstatovala sljedeće:

- Ponuđač „Grakop“ d.o.o. Kiseljak je dostavo tehnički zadovoljavajuću ponudu i ispunio sve uslove iz prava učešća propisane članom 45. do 51. Zakona o javnim nabavkama BiH („Službeni glasnik BiH“ br. 39/14), sve minimalne uslove propisane u tačkama 12.1, 13.2., 13.3. i 13.4. tenderske dokumentacije i dostavio potrebne dokumente u skladu sa tačkom 14. tenderske dokumentacije, pa je ponuda navedenog ponuđača **prihvaćena**.
- Ponuđač „SELA“ d.o.o. Sarajevo je dostavo tehnički zadovoljavajuću ponudu i ispunio sve uslove iz prava učešća propisane članom 45. do 51. Zakona o javnim nabavkama BiH („Službeni glasnik BiH“ br. 39/14), sve minimalne uslove propisane u tačkama 12.1, 13.2., 13.3. i 13.4. tenderske dokumentacije i dostavio potrebne dokumente u skladu sa tačkom 14. tenderske dokumentacije, pa je ponuda navedenog ponuđača **prihvaćena**.
- Uvidom u ponudu ponuđača „MGBH“ d.o.o. Sarajevo komisija je konstatovala da se iz priložene izjave o tehničkoj opremljenosti ponuđača ne može utvrditi posjedovanje kamiona dampera, kako je traženo tačkom 13.4. tenderske dokumentacije, a koja se odnosi na tehničku opremljenost ponuđača. S tim u vezi, komisija je ponuđaču poslala upit kojim je od ponuđača zatražila pojašnjenje da li se kamion damper nalazi u priloženoj izjavi o tehničkoj opremljenosti. Ponuđač je u ostavljenom roku odgovorio da u spisku tehničke opremljenosti koji je dostavljen u ponudi nije naveden kamion damper iz razloga što se na spisku nalaze samo oprema i mašine koje su isključivo u vlasništvu ponuđača. Uz gore navedeni odgovor ponuđač je dostavio Sporazum o poslovno tehničkoj saradnji sa firmom „Trgošped“ d.o.o. Kakanj koja posjeduje kamion damper, te potvrde o registraciji i vlasništvu transportnog sredstva damper. Obzirom da se Sporazum o poslovno- tehničkoj saradnji, potvrde o registraciji i vlasništvu vozila nisu nalazile u ponudi Komisija je zauzela stav da se ponuda ponuđača „MGBH“ d.o.o. Sarajevo odbaci. Postupajući u skladu sa Članom 57. Stav 2) Zakona o javnim nabavkama BiH, Komisija je zauzela stav da naknadna dostava dokumentacije ponuđača predstavlja dopunu ponude. Navedeni Član propisuje, citiramo: „*Ponuđač može prije isteka roka za dostavu ponuda svoju ponudu izmijeniti, dopuniti ili od nje odustati. Izmjena ili dopuna ponude dostavlja se na isti način kao i ponuda i to u roku koji je naznačen u Obavještenju o nabavci i tenderskoj dokumentaciji.*“ Obzirom da pojašnjenjem ponuđača nije otklonjen nedostatak, kao i činjenica da ponuda nije potpuna jer u svom sastavu ne sadrži dokaz tražen tačkom 13.4.tenderske dokumentacije Komisija je zauzela stav da se ponuda ponuđača „MGBH“ d.o.o. Sarajevo **odbaci** u skladu sa članom 68. Stav (1) i Stav (4) tačka f) i tačka i) Zakona o javnim nabavkama BiH („Službeni glasnik BiH“ br.39/14).





- Ponuđač „Harysco“ d.o.o. Sarajevo je dostavo tehnički zadovoljavajuću ponudu i ispunio sve uslove iz prava učešća propisane članom 45. do 51. Zakona o javnim nabavkama BiH („Službeni glasnik BiH“ br. 39/14), sve minimalne uslove propisane u tačkama 12.1, 13.2., 13.3. i 13.4. tenderske dokumentacije i dostavio potrebne dokumente u skladu sa tačkom 14. tenderske dokumentacije, pa je ponuda navedenog ponuđača **prihvaćena**.
- Uvidom u ponudu ponuđača „ORMAN“ d.o.o. Kiseljak komisija prilikom provjere tehničke opremljenosti ponuđača iz stanja osnovnih sredstava dostavljenih u ponudi nije mogla utvrditi na osnovu opisa koji naziv se odnosi na kamion damper tražen tačkom 13.4. tenderske dokumentacije. S tim u vezi Komisija je ponuđaču poslala upit kojim je od ponuđača zatražila pojašnjenje da li se kamion damper nalazi u priloženom stanju osnovnih sredstava. Ponuđač je u ostavljenom roku odgovorio da se na listi stanja osnovnih sredstava priloženoj u ponudi kamion damper nalazi pod rednim brojem 1375 Mercedes Benz, a svoje navode u pojašnjenju je potvrdio dostavom potvrde o vlasništvu vozila za kamion damper. Ponuđač je dostavio tehnički zadovoljavajuću ponudu i ispunio sve uslove iz prava učešća propisane članom 45. do 51. Zakona o javnim nabavkama BiH („Službeni glasnik BiH br.39/14), sve minimalne uslove propisane tačkama 12.1,13.2,3 i 4 tenderske dokumentacije, pa je ponuda ponuđača „ORMAN“ d.o.o. Kiseljak **prihvaćena**.

Nakon izvršene računске kontrole, utvrđeno je da su ponuđači „Harysco“ d.o.o. Sarajevo „MGBH“ d.o.o. Sarajevo, „Orman“ d.o.o. Kiseljak „Grakop“ d.o.o. Kiseljak dostavili računski ispravne ponude..

Komisija je u skladu sa članom 64. stav (1) tačka b) Zakona o javnim nabavkama BiH („Službeni glasnik BiH“ br. 39/14), po kriteriju najniža cijena ponude, sačinila redoslijed prihvaćenih ponuda po osnovu cijena sa PDV-om:

1.	„Orman“ d.o.o. Kiseljak	21.785,07 KM
2.	„Grakop“ d.o.o. Kiseljak	22.709,10 KM
3.	„SELA“ d.o.o. Sarajevo	23.563,99 KM
4.	„Harysco“ d.o.o. Sarajevo	25.474,19 KM

Komisija je predložila Ugovornom organu i dala Preporuku da se ponuda Ponuđača „MGBH“ d.o.o. Sarajevo odbaci u skladu sa članom 68. stav (1) i stav (4) tačka f) i tačka i) Zakona o javnim nabavkama BiH („Službeni glasnik BiH“ br.39/14), te da se u skladu sa članom 64. Stav (1) tačka b) Zakona o javnim nabavkama BiH („Službeni glasnik BiH“ br.39/14) **dodijeli** ugovor za „Izvođenje radova na sanaciji klizišta lokalitet Poturovići br.27, Općina Vogošća“ ponuđaču „ORMAN“ d.o.o. Kiseljak pod rednim brojem 1, obzirom da je u Otvorenom postupku ponudio najnižu cijenu tehnički zadovoljavajuće ponude.

Shodno navedenom Ugovorni organ je prihvatio preporuku komisije i donio Odluku kao u dispozitivu.



Bosna i Hercegovina
Federacija Bosne i Hercegovine

KANTON SARAJEVO
ZAVOD ZA IZGRADNJU KANTONA
SARAJEVO



Bosnia and Herzegovina
Federation of Bosnia and Herzegovina

CANTON SARAJEVO
CANTON DEVELOPMENT INSTITUTE
SARAJEVO

POUKA O PRAVNOM LJJEKU:

Protiv ove Odluke svaki od ponuđača može izjaviti žalbu Uredu za razmatranje žalbi putem Ugovornog organa. Žalba se izjavljuje Ugovornom organu, u pisanoj formi i u roku od 10 (deset) dana od dana prijema ove Odluke o dodjeli ugovora. Žalba se podnosi u najmanje 3 (tri) primjerka.

Naknada za pokretanje žalbenog postupka iznosi 500,00 KM i podnosi se Uredu za razmatranje žalbi, a u skladu sa Instrukcijom o načinu uplate, kontrole i povrata taksi Ministarstva finansija i trezora BiH.

Prilog:

- Zapisnik o ocjeni ponuda

DOSTAVITI:

- 1."ORMAN" d.o.o. Kiseljak
- 2."HARYSCO" d.o.o. Sarajevo
- 3."SELA" d.o.o. Sarajevo
- 4."GRAKOP" d.o.o. Kiseljak
- 5."MGBH" d.o.o. Sarajevo



DIREKTOR:

Ljiljana Pešadija
Ljiljana Pešadija, dipl.ing.grad



F BiH, 71000 Sarajevo, Kaptol br. 3,
254-900, 254-912, 254-945, 254-923, 254-921, fax.: (387 33) 226-523,
e-mail: zik@zik.ks.gov.ba, http://zik.ks.gov.ba